

錦繡萬花谷續集

五

錦繡萬花谷續集卷之七

阮姓

青白眼

籍字嗣宗任性不羈方外之士見崇禮典能為青白眼見
禮俗之士以白眼對之為步兵校尉晉史

北富南貧

阮咸字與叔父籍為竹林之遊居道南北阮首七月七日以
竿挂大布犢鼻於庭曰未能免俗聊復尔耳逖散騎侍郎蒲
始平太守顏延年作五君詠詠咸云簪為不入官一麾乃出寺

三語錄

阮瞻字千里咸之子見王戎戎問曰聖人貴名教老莊胡自
然其言可與瞻曰將無同戎次嗟良久即命辟之時人謂之
三語錄世說新語

百錢拄杖

阮脩字宣子百錢拄杖頭當世富貴不肯顧自得於林草間
管好

管城

周文王第二子管叔鮮受封於管以國為氏焉今鄭州管城
是也齊有管夷吾字敬仲世說新語

龍頭龍尾

管寧字幼安詔為太中大夫固辭不受遂下詔曰寧耽讀道
德服雅六藝清虛足以作古廉白可以當世又王基為之曰
寧含音素質冰潔淵清翰古今於曾懷包道德之機要魏志
又出說云嘗與華歆同席讀書有求軒冕過門者寧讀書如
故歆廢書而看歆謂寧曰子非吾友也寧歆即原三人



相善時人號為一龍寧為龍頭原為龍腹款為龍尾

魏志

寧姓

左襄公二十九年鄭子皮以子展之命歸國人粟戶一鍾是以得鄭國之民故寧氏常掌國政以為上卿

雋姓

雋衣博帶

雋不疑字曼清治春秋進退必以禮名聞州郡暴勝之為直拍使者至渤海不疑冠進賢冠帶櫛具劍佩環玦衣博帶盛服明上禮勝之望見不疑容貌尊嚴衣冠甚偉躡履起迎不疑曰凡為吏太剛則折太柔則廢勝之敬納其戒擢京兆尹京師吏民敬其威信

前漢史

展姓

以字為氏
左隱公八年無駭卒羽父請謚與族衆仲曰諸侯以字為謚因以為族官有世功則有官族公命以字為展氏

趙姓

冬日夏日

左文公七年鄆舒問於賈季曰趙衰趙盾孰賢對曰趙衰冬日之日也趙盾夏日之日也

良大夫

宣公二年孔子曰趙宣子古之良大夫也

客數千人

平原君趙勝喜賓客賓客至者數千人三去相一復位封於

東武臣

定律令

趙禹武帝時以刀筆吏積勞遷為御史與張湯論定諸律令用法益刻史酷吏傳

馬服君

趙奢為趙田部吏收租稅平原君家不肯出奢封馬服君以法治之殺平原君用事者九人通鑑

金城圖上方略

趙充國沈勇有大略少好將帥之節擢為將軍宣帝問誰可將兵攻羌充國時年七十餘對曰亡踰老臣願馳至金城圖上方略充國曰明主可為忠言遂上屯田奏條留山便宜十二事成帝時而充有警上思將帥之臣乃召揚雄即充國圖畫而頌之前漢史

鉤距

漢舉朱村察孝廉治行尤異守京兆尹遷潁川太守教吏為鉤距用投書相告訐善為鉤距以得事情錄兩之姦皆知之吏民稱之不容口見事風生無所固避同上

雄飛

趙溫字子柔初為京兆丞嘆曰大丈夫當直後漢史棄官去歲飢散家糧以振貧餓所活萬餘人拜司徒後漢史

宣揚國命

趙岐字邠卿少明經有才藝後遷太僕為副使宣揚國命所到郡縣百姓皆喜曰今日乃復見使者車騎同上

虎威將軍

趙雲嘗將數十騎與曹公戰先主曰子龍一身都為膽也軍中號為虎威將軍蜀志 雲字子龍

置銅斗鐵尺

趙嬰少孤養母至孝年十四有人盜伐其父墓中樹者對之

魏勳因執送官仕隋為冀州刺史甚有威惠市多姦詐乃為
銅斗鐵尺置於肆百姓便之北史

著河山人物志

趙彥昭甘州人父武孟少游獵以所獲饋其母母泣曰汝不
為好事而放蕩吾安望哉不為食武孟感激遂力學淹該書
記為侍御史著河世人物志十篇彥昭少豪邁風骨秀爽及
進士第是龍中遷同章事唐史

獻審官六議

趙憬滑州人志行峻潔不自銜賈李泌薦之對占奏明辨正
元中左丞缺帝曰趙憬堪此遂以命之精治道常以國本在
選賢節用薄賦斂寬刑罰懇懇為天子言之又陳前世損益
當時之變獻審官六議帝皆然之同上

扈鑿學士

趙鳳幽州人少以儒學知名為鄆州節度判官晉取鄆州莊
宗聞鳳名得之喜以為扈鑿學士莊宗即位拜鳳中書舍人
翰林學士明宗置端明殿學士以馮道及鳳為之五代史

玉界尺

趙光逢字延吉以文行知名時人稱其方直溫潤謂之玉界
尺唐亡事梁為中書侍郎同中書門下平章事累遷左僕射
以太保致仕同上

社稷臣

趙普字則平幽州薊人太祖受禪普以佐命功授右諫議
大夫樞密直學士昭憲寢疾普入與顧命拜樞密使乾德
二年為門下侍郎同中書門下平章事集賢殿大學士五年
拜尚書左僕射昭文館大學士太祖寵待普如左右手判
大理寺雷德驥憤其屬附普增減刑名因求見太祖語不

太祖怒叱之曰鼎鑪尚有耳汝不聞趙普吾之社稷日乎
德讓坐貶薨封真定郡王謚曰忠獻

鐵面御史

趙抃字閱道衢州西安人少孤貧至進士為武安軍節度推
官有偽造印者史以為當死抃曰造在赦前而用在赦後赦
前不用赦後不造法皆不死遂以疑讞之卒免死為殿中侍
御史彈劾不避權倖京師号鐵面御史遷龍圖閣直學士知
成都府 神宗即位召知諫院及謝謂曰聞卿以馬入蜀以
一琴一龜自隨為政簡易亦稱是耶抃即上疏云云擢右諫
議大夫參知政事熙寧三年以資政殿學士知杭州

鮑姓

王成文

鮑宣母文明經孝廉為郎何武薦為諫大夫後拜司隸以
擢厚宰相下廷尉博士弟子王成文備太孛下曰欲救鮑司
隸者會此下諸生會者千餘人 前漢史

貴戚斂手

鮑永字君長事後母至孝妻於母前叱狗即去之後為司隸
校尉辟鮑恢為從事恢亦括直不避強禦帝嘗曰貴戚且宜
斂手以避二鮑 後漢史

馬姓

嬰蹠翁

馬援字文淵扶風人其先趙奢為趙將号馬服君三兄况余
負並有才能皆為二千石援少有大志光武征隗囂援聚米
為山谷指畫形勢拜隴西太守但總大体諸曹時白外事輒
曰此嬰蹠之任何足相煩頗哀老子使得遨遊拜伏波將軍
自請擊匈奴曰男兒要當死於邊野以馬革裹屍還葬耳帝

錦繡萬花公續集卷之二十八

賈姓

股肱

左昭十三年文公好學而不貳生十七年有賈佗以為股肱

有力王室

昭二十八年晉魏獻子為政以賈辛為祁大夫謂賈辛有力於王室故卒之

洛陽年少

賈誼雒陽人年十八以能誦詩屬書聞於郡中吳公為河南守聞其秀才召置門下文帝力召為博士每詔令議下諸老先生不能言誼盡為之對文帝悅之超遷一歲中至太中大夫絳灌之屬害之以為雒年少云云出為長沙王太傅渡湘為

屈原因陳治安之策召見宣室問鬼神事夜半前席帝曰吾久不見賈生自以為過之今不及也史記

至言

賈山穎川人涉獵書記不能為醇儒孝文時言治亂之道借秦為諭各曰至言前漢史

語妙天下

賈捐之字君房誼之曾孫上疏言得失待詔金馬門議擊珠虛不便君房下筆言語妙天下同上

將相器

賈復字景公少好學習尚書事在陰李生李生奇之曰賈君之容貌志氣如此將相之器有折衝千里之威後漢史

襄帷裳

賈宗孝廉遷京兆令交趾屯兵反三府奉宗為交趾刺史

世路歌曰賈父來晚使我先反今見清平吏不敢飯拜冀州
刺史舊與傳車駭駕垂赤帷裳迎於州界及踪之部升車言
曰刺史當遠視廣聽糾察美惡何有反垂帷裳以自掩塞乎
乃命御者褰之百城聞風震竦

賈長頭

賈逵字景伯父徽受左氏春秋逵傳父業常在太学不通人
間事長八尺二寸諸儒語曰問事不休賈長頭

三虎

賈彪字偉節志節慷慨補新息長民貧多不養子彪嚴為其
制弟殺之同罪數年人養子千數僉曰賈父所長生男名為
賈子生女名為賈女兄弟三人並有高名而彪最優天下稱
曰賈氏三虎偉節最怒並後漢史

父子繼美

賈至擢明經第從玄宗幸蜀知制誥帝傳位至當撰冊既進
羣帝曰昔先天子乃父為之今茲命冊又尔為之兩朝盛典
出卿家父子可謂繼美矣唐史

陸驢

賈島字浪仙初為浮屠後舉進士當其苦吟雖逢值公卿貴
人皆不之覺一日見京兆尹跨驢不避呼詰之父乃得釋

關中曾子

賈公嘗在萬節里中號一龍親亡負土成墓廬其左號關中曾
子李縣人私謚曰廣孝徵君

常棣碑

賈耽順正觀時數歷州刺史天資廉潔入朝常不室行車一
乘弊甚為繩羈道上不知其刺史也始洛人為耽頤刻碑
大市旁及耽實復為立碑其側故號常棣碑並唐史

賜錢旌繫

皇朝賈黃中滄洲南皮人年六歲中神童十五奉進士江南
平知宣州 太宗即位知昇州一日黃中按行府庫見高鑄
甚嚴集僚吏發之得貨數十積皆奉心宮闈之物不隸於籍
者黃中悉表上之 太宗歎曰吾府庫之物有藉貪黷者尚
冒禁盜之况此亡國之餘物乎賜黃中錢三百方以旌其繫
乃還知制誥許翰林李士淳化二年除給事參知政事

天章閣侍講

賈昌朝真定人天禧元年獻文章于朝召試除晉陵溥因子
監說書時孫奭判監一見許以公輔景祐元年初置崇政殿
說書以授昌朝而天章閣侍講亦自昌朝始在經筵善稱說
仁宗多所質問昌朝皆記錄刪潤以進賜名河英延議二閣
記三錄 英宗即位改鳳翔節度使加左僕射進封魏國公

不欺

賈黯奉進士第一嘉祐中權御史中丞時用呂誨為御史知
雜誨以嘗言黯過失諱朕黯奏曰諫官御史本為人主耳目
况一時公言非有嫌怨且誨初得御史乃臣與孫抃薦黯曰
知其為一方正謹厚今茲擢用其允眾望臣得与之一共事必
能叶濟詔以論誨 遂就朕時人莫不賢黯也黯有李識初
登第還南陽范仲淹知鄧州黯謝仲淹曰黯晚輩偶得科第
願受教仲淹曰君不憂不顯唯不欺二字可終身行之黯拜
其言其後黯每以語人曰吾得於范公不欺二字平生用之
不尺也

夏姓

百姓歡心

夏恭字敬公習韓詩孟氏易所徒嘗千餘人光武時常迂太

對和集百姓甚得其歡心

真將相器

皇朝夏竦舉制科對策庭下有老宦者曰閑人多矣賢良他日必貴以吳絃手中之詩公題曰殿上衮衣明日月硯中旗影動龍蛇縱橫禮樂三千字獨對丹墀日未斜楊徽之嘆曰真將相器也初除館我時方早秋上在拱辰殿按舞命中使索新詞公立進喜近驚曰霞散綺月沉鈎簾捲未央樓夜涼河漢截天流宮闕鎮新秋瑤堦曙金華露鳳髓香和雲霧三千珠翠羅衣遊水殿按涼州上大悅

左姓

秦後無回避

左雄為冀州刺史州部多豪族好請托常閉門不與交通奏按會稽二千石無所回避拜尚書遷尚書令後漢史

少有神道

左慈少有神道後曹操欲殺之卻入壁中霍然不知所在

作三部賦

左思字太冲家世儒學貌寢口訥而詞藻壯麗作三部賦十年而成其家貴競傳寫洛陽為一帝嘗自以其作不謝班張晉

蔣姓

志吞吳會

蔣濟文帝時出為東中郎將濟請留詔曰天下未寧要須良臣以鎮邊境如其无事乃還鳴玉未為後也濟兼資文武志節抗厲常有超越江湖吞吳會之志魏志

社稷之器

蔣琬字公琰弱冠知名除廣都長先主見琬眾事不理時又沉醉大怒諸葛亮曰蔣琬社稷之器非百里之才也其為政

以安民為本不以修飾為先蜀志

良二千石

蔣儼擢明經太宗將伐高麗募為使者人皆憚行儼奮曰云
云遂請行為莫離支所囚以兵脅之不屈進蒲州刺史號良
二千石唐史

父子為學士

蔣又性銳敏七歲時見度信哀江南賦再讀輒誦父蔣明在
集賢值其與國籍教封白宰相請引之入院助力張鑑奇之
署集賢小職正元九年擢中書侍郎撰德宗重其職先召見延
英迂起居舍人帝前口誦補侍臣國替帝歎曰雖虞世南不
是過條據神策軍建置本末高郢等嘆曰集賢有人哉詔蒙
判集賢院事父子為學士儒者榮之同上

三世修國史

本傳其人
信歷史館修撰三世踵修國史世稱良筆咸三將氏曰曆
試六論祕閣

蔣之奇字穎叔舉進士又舉賢良方正科試六論祕閣及射
策報聞除監察御史 英宗立為殿中侍御史

柳姓

社稷之臣

衛獻公出奔反於衛及郊將班邑於從者而後入柳莊曰如
皆守社稷則孰執羈勒而從如皆從則孰守社稷君反其國
而有私也母乃不可乎弗果班衛有太史曰柳莊寢疾公曰
若疾革雖當祭必告公再拜稽首請於尸曰有臣柳莊也者
非寡人之臣社稷之臣也孔氏檀弓下

二龍

柳惔字文通世隆次子少與兄悅齊名王儉曰柳氏二龍可

謂一日千里仕梁為太子詹事武帝貽詩曰爾寔冠羣后
惟余實念功尋迁左僕射南史

可為儀表

柳惲字文暢淡之弟與謝藩友受藩曰宅南柳郎可為儀表
為吳興太守為政清靜吏懷之同上

儒士知軍戎情

柳惲擢進士第棄官隱武寧山召拜監察御史惲城與番
會涼帝語大臣以和戎息師之便馬燧賀曰今日已往可
百年無患惲曰夫夷狄人面獸心難以信結帝亦变色曰惲儒
生未達邊事夜半韓游瓌飛奏吐蕃劫盟帝大驚明日慰之
曰卿儒士乃知軍戎萬里情也益礼異之唐書

興吾門者此兒

惲始生三日伯父子華曰興吾門者此兒也幼孝友起
居皆有礼法萬文典正不讀非聖書與直言極諫賢良方正
一年再登其科授渭南尉歲暮家敗不過一器為吏部郎中
憲宗數游政公惲奉太醫醫歲以諷天子高其不貴之坐賜

烏集庭樹

柳仲郢公綽之子幼學聖書知長工文著尚書
二十四司歲為韓愈以口貴元和末方進士年牛僧孺辟武昌
幕府有父風矩僧孺嘆曰非積習名教安及此耶拜京兆尹
人無敢犯政號嚴明皇宗初復出河南尹以寬惠為政或言
不類京兆時荅曰輦轂下先彈壓郡邑之治本惠養烏可
類乎咸通中為天平節度使仲郢初為諫議大夫後母迁公
烏集升平第庭樹戟架皆滿五日乃散及是不復集

述家訓

柳批仲郢子以明經補祕書正字為積閣節度副使解中橋

既會乃納直於官拜御史大夫直清有人風此常述家訓以戒子孫曰夫門地高者一事墜先訓則異它人雖生可以苟爵位死不可以見祖先地下又曰憂則恐懼福則福至受福則驕奢驕奢則禍至

筆諫

柳公權公綽弟年十二工辭賦元和初擢進士第穆宗曰朕嘗於佛朝見卿筆蹟思之久矣即拜侍書李士深問公權用筆法對曰公正則筆正筆正乃可法時帝荒縱故及之帝改容悟具以筆諫也

文章卓偉

柳宗元字子厚少精敏絕倫為文章卓偉精緻一時輩行推仰第進士博李宏辭科授校書郎貞元十九年為監察御史兼行俄貶永州司馬既竄斥因自放其摠厄感懣尉寓諸文倣離騷數十篇元和十年徙柳州刺史南方為進士者走數千里從宗元游經指授者為文辭皆有法世號柳柳州並唐史

東郊野夫

皇朝柳開字仲塗幼警悟豪勇進士第自五代以來學者少尚義理有趙生者得韓文數十篇未達乃携以示開開一見遂知為文之趣自是屬辭必法韓愈開者書名東郊野夫又號補亡先生作二傳以見意

鄧繡萬花公續集卷之二十九

苟姓

干城之將

子思言於衛侯曰苟變之計可將五百乘公曰吾知其可將然為吏而食人一雞子故非用也子思曰夫聖人之官人猶匠之用木也取其所長棄其所短故杞梓連抱而有數人之朽良工不棄今君處戰國之世選爪牙之士而以二知棄干城之將此不可使聞於鄰國也通鑑

斷决如流

苟晞字道將轉尚書左丞廉察備曹八坐以下皆側目憚之進撫軍將軍都督青兗練於官事文薄盈積斷决如流晉書

耿姓

有志者事竟成

耿弇好將帥之事拜建威大將軍封好畤侯自請收上谷兵定漁陽取涿郡東攻張步以平齊地光武謂曰昔韓信破歷下以開基合將事攻祝阿以發迹獨拔勅以難於信前建此大策常以為落落難合有志者事竟成也後漢史

拜井

耿恭字伯宗慷慨多大略有將帥才與匈奴戰據疏勒城城中穿井十五丈不得水乃整衣服向井再拜有頃水泉奔出

丙姓

問牛喘

丙吉封博陽侯為丞相不問羣屬死傷而問牛喘贊曰孝宣中興丙魏有聲前漢史

龍翰鳳翼

謝安字根矩少以操尚稱太祖嘗承相徵事清靜足以厲俗
貞固足以幹事 龍翰鳳翼國之重寶後為五官將長史閉
門自守非公事不出 魏志

井姓

五經紛綸

井卅字大春通五經善談論京師語曰五經紛綸井大春性
清高未嘗終刺候人 後漢書

景姓

禦陽侯

景丹字孫卿馮翊人縱突騎以破王郎光武以為驃騎大將
軍封禦陽侯 後漢書

作易說詩解

景為字漢伯能理齊詩施氏易作易說及詩解文句凡著述
三十餘萬言數上書陳救災變之術 同上 儒林傳

穎姓

純孝

鄭大夫穎考叔為穎谷封人考叔純孝也愛其母施於莊公
公孫闕與考叔爭車考叔挾輶而定 左傳

善春秋左氏

穎谷字子巖博學多通善春秋左氏舉孝廉不就者春秋左
氏條例五萬餘言 後儒林傳

沈姓

倉頡公

沈慶之字弘先仕宋為建威將軍大破山蠻威震諸山羣蠻
皆稽顙慶之著狐皮帽羣蠻號曰蒼頡頭公每見慶之軍輒畏
懼曰蒼頡頭公已復來矣文帝將北伐慶之固陳不可上使徐

漢之筆難慶之慶之曰今欲伐國而與白面書生畫謀之事
何由濟南史

為郊居賦

沈約字休文博通羣籍善屬文才智縱橫可謂明識梁武立
累遷尚書令博物洽聞當世取則立宅東田曠望郊阜嘗為
郊居賦以序其事同上

有良史才

沈既濟蘇州人知學開明揚炎雅善之薦既濟有良史才召
拜左拾遺史館修撰唐史

推為顏子

沈傳師既濟子材行有餘能治春秋工書有批注法少為杜佑
所器正元末舉進士許孟容權德輿樂挽轂士號權許德輿
稱之於孟容孟容曰我故人子蓋不過我傳師往謝遂推第
德輿門生十一人推為顏子復登制科召入為翰林學士

羅籍民車

沈在中興進士後遷太常丞同修起居注邊使報北虜將入
寇取遣中貴人取兩河民車以為戰備民大驚擾自辛執以
下言不便者羅籍進俱不省一日持筆立御坐側神宗頤曰
卿知籍車之事乎括曰未知車將何用神宗曰北虜以多
馬取勝唯車可以當之括曰胡之來民父兄墳墓田廬皆當
棄去復暇車乎云云神宗喜曰無人如此語朕者當更
思之明日遂羅籍民車

范姓

武子之德

左襄公二十七年子木問於趙孟曰范武子之德如何對曰
夫子之家事治言於晉國無隱情

綈袍戀戀

范曄事須賈使齊襄王賜金及牛酒須賈知之以告相魏齊齊嘗擊曄曄折脅指齒曄佯死得出入秦說昭王後拜相須賈使秦曄聞之敝衣微行之即見賈賈驚曰范叔何無恙乎留與坐飲食乃取一綈袍賜之曄歸取大車駟馬為賈御入秦相府賈待門下良久問門下曰范叔不出何也門下曰乃吾相張君也賈大驚自知見賈乃肉袒膝行因門下謝罪曰不意君能自致青雲之上曄曰汝所以得無死者以綈袍戀戀有故人之意故釋公史記

陶朱公

范蠡用於越既雪會稽之恥乃乘扁舟於江湖變名易姓適齊為陶朱公十皮之陶為朱公乃治產積財居與時遂十九年之中三致千金再分散與貧疏昆弟故言富者皆稱陶朱公

登車攬轡

范滂字孟博少厲清節為州里所服冀州饑荒以滂為清詔使按察之登車攬轡慨然有澄清天下之志及至州境守令自知職汗望風解印綬去後漢書滂傳

龍中生塵

范冉一作字史雲好違時絕俗為激詭之行為萊蕪長後辟太尉府以猶急不能從俗常佩韋於朝問里歌曰龍中生塵范史雲金中生魚范萊蕪

千里相信

范式字巨卿少游太學與張劭為友並告歸鄉式曰後二年當還將過拜尊親見孺子焉乃共刻期日後期方至劭白母請設饌候之母曰二年之別千里結言何相信之審邪曰巨卿信士必不乖違至日巨卿果到升堂盡飲盡歡而別並後漢史

廉泉讓水

范植年初見宋明帝言次及廣州貪泉因問卿州復有此水不荅曰梁州惟有文川武鄉廉泉讓水又問卿宅在何處曰呂所居廉讓之間帝嗟其善荅因見八歷位終梁州刺史南

著神滅論

范鎮字子真竟陵王子良鎮西州頴意賓客才雋之士皆遊集其門子良篤好釋氏范鎮盛稱無佛子良曰君不信因果何得有富貴貧賤鎮曰人生如樹花同發隨風而散或依簾幌墜茵席之上或闢離牆落糞溷之中墜茵席者殿下是也落溷糞者下官是也貴賤雖復殊途因果竟在何處子良無以難鎮又著神滅論云云朝野誼譁難之終不能屈

傳衣鉢

皇朝范質字文素母張氏夢人授五色筆而質生九歲善屬文唐貞觀中舉進士為忠武軍推官晉天福中擢監察御史周太祖征李守貞每朝廷遣使齎詔處分軍事皆中機曾太祖問誰為此辭使者以質對太祖曰宰相器也廣順初拜中書侍郎同平章事集賢殿大學士世宗時累加司徒洪文館大學士太祖既即位加兼侍中仍以爲相乾德初封魯國公初和凝知貢舉愛質所試文自以中第第在第十三故亦以處質其後質官及封國皆與凝同當時謂之傳衣鉢

軍中一范

范仲淹字希文上宰相書極論天下事王曾見而奇之晏殊知樞密府表掌府學殊在京師薦一士爲館職曾謂殊曰公知范仲淹捨不薦而他薦乎公宜更薦范仲淹也殊從之遂用爲秘閣校理進樞密直學士右諫議大夫尋拜陝西四路安撫緣邊招討使仲淹與韓琦俱有威名軍中爲之語曰軍

中有一韓西賊聞之心骨寒竄中有一范西賊聞之驚焉破膽
一偉人

范鎮字卓之成都華陽人也薛奎守蜀還朝或問奎蜀所得曰得一偉人當以文學名於世謂鎮也舉進士禮部奏名第一故事殿廷唱第過三人則禮部第一人者必越次抗聲自陳因擢置上第鎮不肯自言至第七十九人乃出拜退就列無一言廷中皆異之英宗朝以戶部侍郎致仕

進唐鑑

范祖禹字淳父舉進士為校書郎知龍水縣司馬光辟同編修實始通鑑凡十五卷書成光上章稱薦曰臣誠不及也除祕書省正字召試中書舍人又辭不拜遷右諫議大夫兼實錄院修撰哲宗親改祖禹上言力陳治道之要古今成敗之理與夫小人之情狀石叟激切以感動上意因請外遂以

龍圖閣學士知陝州 嘗進唐鑑十一卷

三才圖會卷之二十九

錦繡萬花谷續集卷之三十

宗姓

作高唐賦

楚威王問於宋玉曰先生何士民衆庶不譽之甚也宋玉對曰鳥有鳳而魚有鯨夫聖人瑰意奇行超然獨處世俗之民又安知臣之所為哉 作高唐賦 新序

虎度江

宋均字叔庠補辰陽長立學校禁絕淫祀遷九江太守虎猶與東游度江拜尚書令 後漢史

人中龍

宋纖隱居酒泉南山太守馬岷造焉纖高樓重閣拒而不見岷嘆曰名可聞而身不可見德可仰而形不可觀今而後知

先生人中之龍也銘詩于石壁曰其人如玉維國之琛蓋曰玄虛先生 晉史

立遺愛頌

宋璟舉進士第遷鳳閣舍人開元初徙廣州都督賈人以竹茅茨屋多火璟教之陶瓦築堵始知棟梁利而無患災召拜刑部尚書兼侍中賈人為璟立遺愛頌 唐史

奪錦袍

宋之問字延清武后召與楊炯分直習藝館武后游終南龍門詔從臣賦詩左史東方虯詩先成后賜錦袍之問俄頃獻后覽之嗟賞更奪袍以賜江左詩律繁亦及至沈約及之問號為沈宋語曰蘇李居前沈宋比肩之問父令文富文辭且工書有力世稱三絕既之問以文章起第之悻以驕勇聞之孫精草隸世謂皆得父一絕

一歲為宰相

宋琪字叔寶 太宗將用工部尚書李昉參預大政以琪先入乃超十兵部尚書未幾與昉並拜同中書門下平章事琪自庶僚一歲中為宰相其速如此

與父同在館閣

宋綬幼聰警其外祖楊徽之器愛之以徽之遺恩授太常寺大祝年方十五召試中書 真宗奇其文聽於秘閣讀書久之召試學士院為集賢校理與父臯同在館閣世以為榮入為右正言權知制誥為翰林學士兼侍讀後為參知政事

封還詞頭

宋敏求由祕書省正字歷館閣校勘遷右諫議大夫知制誥在職六年李定自秀州判官除御史裏行敏求封還其詞頭曰御史之官舊制須兩任通判方許奏舉後以資任相當者少始許舉通判未滿任者今定自舉職便處以糾繩之地臣恐非舊官制之舊未獻羣議再請解職遂罷

二宋

宋庠字公序舉進士開封禮部俱第一與弟祁同時有名以詩賦為學者所宗謂之二宋嘉祐三年拜樞密使同平章事封莒國公 英宗即位封鄭國公為景靈宮使

奏名第一

宋祁字子京同試禮部會諒陰正奏名初為第一章獻皇后曰弟可先兄乎乃以郊為第一而祁為第十

仲姓

負米

子路曰由願得當一隊而敵必也攘地千里搴旗執賊推由之見於孔子曰家貧親老不擇祿而仕昔者由也常食藜

藿之實為親負米百里之外

貢姓

明經紱行

貢禹字少翁以明經紱行著聞徵為博士卒賢良為河南令以職事為府官所責免冠謝禹曰冠一免在復可冠也遂去官後徵為諫大夫遷光祿大夫

前漢史

魏姓

賜樂

左襄公四年魏絳曰和戎有五利焉公說使魏絳盟諸戎修民事田以時絳无貳志事君不避難晉侯賜樂絳始有金石之樂

梗陽大夫

昭公二十八年晉魏獻子為政以魏戌為梗陽大夫謂能守業者也戌之為人也遠不忘君居利思義仲尼聞魏子之卒也以為善曰近不失親遠不失率可謂善矣

結草

宣公十五年魏顆敗秦師于輔氏獲杜回初武子有嬖妾无子武子疾命顆曰必嫁是及卒顆嫁之及輔氏之役顆見老入結草以亢杜回杜回躓而顛

白去副封

魏相字弱翁少與長對策高第為茂陵令遷河南太守禁止姦邪豪強畏服徵為大司農遷御史大夫為丞相白去副封以防壅蔽總領衆職甚称上意

堂堂領袖

傳漢興國家便宜行事漸

魏舒累遷後將軍文帝深器重之曰魏舒堂堂人之領袖晉二百餘奏

魏徵字元成太宗即位引至卧内訪天下事徵自以不世遇乃展盡底蕴凡二百餘奏無不剴切當帝心者唐史

有祖風烈

魏徵徵五世孫宣宗嗣位遷御史中丞兼戶部侍郎進同平章事為宰相議事大小前推徵讜切無所回畏宣宗嘗曰暮名臣孫從二有祖風烈朕心悼之同上

奉觴上壽

魏仁浦國初進位右僕射開寶二年春宴太祖笑謂仁浦曰何不勸朕酒乎仁浦奉觴上壽太祖密謂之曰朕欲征太原如何仁浦曰以遠不達太祖頷之

李姓

作林鍾

左襄十年李武子以所得於齊之兵作林鍾而銘魯功焉

相三君

文六年季文子卒無衣帛之妾無食粟之馬無藏金玉無重器君子於是乎知文子之忠於公家也相三君而無私積

黃金不如一諾

季布楚人也為氣任俠有名於楚為河東守孝文時人有言其賢者召欲以為御史大夫復有言其使酒難近至留邸一月見罷布進曰陛下以一人之善而召臣以一人之毀而去臣臣恐天下聞之有以窺陛下上曰河東吾股肱郡故時召君耳楚諺曰得黃金百斤不如得季布一諾

摯姓

撰族姓昭穆

執事虞學仲心作忠遊賦奉賢良策為下策武帝又詔諸賢良會東堂策問權為太子舍人除聞喜令撰族姓昭穆一卷

費姓

杖投葛陂

費長房汝南人從市中老翁學仙後辭歸翁與一竹杖曰既至可投葛陂中顧視則龍也後漢史

志慮忠純

費禕字文偉為黃門侍郎諡曰亮表云其志慮忠純官中之事無大小悉以咨之必能裨補闕漏有所廣益孫權器之曰君天下淑德必當股肱蜀朝蜀志

傅姓

作霖雨

高宗夢得說使百工營求諸野得諸傅巖王置諸左右曰朝夕納誨以輔台德若金用汝作礪若濟巨川用汝作舟楫若歲大旱用汝作霖雨啓乃心沃朕心尚書

刺樓蘭王

傅介子以從軍為官求使大宛刺樓蘭王封義陽侯前漢史

蘭臺令史

傅毅字武仲作迪志詩為蘭臺令史後漢史

臺閣生風

傅玄字休奔為御史中丞每有奏劾或值日暮捧白簡整簪帶竦踊不寐坐而待旦於是貴遊懾伏臺閣生風晉書

摩逆鱗

傅咸字長虞玄之子剛簡有大節為御史中丞摩天子逆鱗觸猛獸之鬚同上

下馬作露布

傅永字脩期拜安遠將軍魏帝每嘆曰上馬能擊賊下馬作露布唯傅脩期耳北史

顧姓

南金東箭

顧榮字彥先機神朗悟與陸機兄弟同入洛時人號為二俊
劉拜為郎中 南金東箭世胄高門 晉書

吾家麒麟

顧和字君孝總角便有清操族叔榮推重之曰此吾家麒麟
興吾宗者必此子也周顛指和曰此中何所有應曰此中
最是難測地拜御史中丞百僚憚之

三絕

顧愷之字長康博學有才氣尤善丹青圖寫謝安以為自蒼
生以來未之有也俗傳其有三絕才絕畫絕痴絕

蒲柳先零

顧悅之字君叔與簡文同年而髮早白帝問其故答曰松柏
之次文經霜猶茂蒲柳常質望秋先零 並同

山陰垂簾

顧覲之為山陰令山陰劇邑覲之御繁以約縣用無事晝日
垂簾閉閣 南史

移文嶽神

顧少連舉進士擢上第以技藝補登封主簿邑有虎患患之
少連命塞陷阱移文嶽神虎不為害遷中書舍人闕十年以
謹密稱歷吏部侍郎奉延齡方橫無敢忤者嘗與田錫少連
會酒酣少連口段秀實笏擊賊臣今吾笏將擊數目奮且前
元友直在坐歡解之 唐書

路姓

截浦寫書

路溫舒字長君截浦寫書受春秋通大義舉孝廉 漢書

度姓

名將

度尚亦上虞長為政嚴峻明於發擿姦非吏人謂之神明遷
文安令遇時疾疫穀貴開倉廩給營救疾者百姓蒙其濟後
零陵賊起擢尚為荊州刺史擊破之為名將數有功後漢史

衛姓

七出擊匈奴

衛青拜大將軍凡七出擊匈奴收河南地置朔方郡史記

一臺二妙

衛瓘字伯玉拜尚書令與尚書郎索靖俱善草書號一臺二
妙為政清簡甚得朝野聲譽晉史

中興名士第一

衛玠字叔寶總用乘羊車入市見者皆以為玉人玠舅王濟

七

見之輒嘆曰珠玉在側覺我形穢又曰固若明珠之在側朗
然照人王澄每聞玠言輒歎息絕倒語曰衛玠談道平字絕
倒事交樂廣有車名議者以為婦公冰清女壻玉潤中興名
士唯玠為當時第一同上

易聖

衛大經卓然高行口無二言遠于易人謂之易聖

國器

衛次公字從周舉進士潘炎異之曰國器也

蔡姓

金印紫綬

蔡澤燕人干諸侯不遇問相於唐舉舉曰云云澤曰富貴吾
所自有所不知者壽也舉曰從今以往四十二年澤謂其御
曰吾持梁躍馬食肉懷金印結紫綬富貴四十二年足矣

為人主師

蔡義以明經給事六將軍莫府久之詔求能為韓詩者召見說詩甚悅之擢光祿大夫數歲代楊敞為丞相封陽平侯霍光曰義為人主師當為宰相前漢史

三世不分財

蔡邕字伯喈性篤孝母滯病三年自非寒暑節變未嘗解襟帶不寢寐者七旬三世不分財鄉黨高其義後漢史

聲若雷震

蔡裔有勇氣聲若雷震有二盜入室裔一呼二盜俱墮晉史

平世三公

蔡邕字子度宋武帝以其剛直補御史中丞多所糾奏武帝常云蔡可平世三公南史

鐵猛獸

蔡祐從周文戰有功授平東將軍與齊神武戰於芒山祐時著明光鐵鎧所向無敵齊人咸曰此是鐵猛獸也北史

執經講問

皇朝蔡襄字君謨興化軍仙遊人舉進士歷漳州判官西京留守推官改著作佐郎館閣校勘遷秘書丞知諫院兼修起居注仁宗增置諫官四員襄在選中後遷起居舍人知制誥遷龍圖閣直學士知開封府進樞密直學士知泉州徙福州襄為政精明而於閩人尤知其風俗時閩士專詞賦以應科舉襄得鄉先生周希孟以經術傳授學者嘗至數百人襄為親至學舍執經講問為諸生率

錦繡萬花谷續集卷之三十一

錦繡萬花谷續集卷之三十一

祭姓

雅歌投壺

祭遵對酒設樂必雅歌投壺在軍旅不忘俎豆

後漢史

解姓

考績第一

解系字少連父脩魏琅邪太守考績為天下第一

晉史

戴姓

大戴小戴

戴德延君戴聖次君皆受禮於丘君德號大戴為信都大傳
聖號小戴以博士論石渠由是禮有大戴小戴

前漢孟卿傳

解經不窮

戴馮晉京氏易年十六郡舉明經拜郎中正旦朝資百僚畢

集帝令能說經者相難詰義有不通輒奪其席以益通者憑

遂坐五十餘席京師語曰解經不窮戴侍中

後儒林傳

關中大豪

戴良字叔鸞父遵字子高家富好給施食客常二四百人語

曰關中大豪戴子高良舉孝廉不就逃入江夏山中不仕

積薪自焚

戴封對賢良策第一拜議郎遷西華令時蝗災獨不入西華

界年旱禱請無獲乃積薪以自焚火起而大雨暴至遷中山

相縣囚四百人當刑皆遣歸與剋期日皆無違者

並後漢史

琴書自娛

戴逵字安道能鼓琴工書畫巧藝靡不畢綜以琴書自娛以

禮度自處累徵不至居於會稽之剡縣

晉書隱逸傳

秋毫指擿

為曹奉正拔武牢引為府士曹參軍大理少卿缺太宗曰大理人命所繫曹清直其人即日命之 犯頭據正參劾法意至折秋毫隨類指擿言若縛泉帝修洛陽官曹疏諫止之史

父子繼為宰相

戴至德乾封中選侍郎同三品閱十數年父子繼為宰相高宗為飛白書賜至德遷尚書右僕射寺劉仁軌為左人有訶率優容之至德乃究本末終不顯私恩同上

蒯姓

齊之辯士

蒯通范陽人說韓信反齊之辯士拾遺舉過顯賢進能前漢史

蒯姓

全璧歸趙

蔣相如趙人也全璧歸趙從趙王與秦會於滹池秦王竟酒終不能加勝於趙既歸以相如功大拜為上卿史記

負姓

八科皆中

負半千字榮期王義方常曰五百歲一賢者生子宜當之因改今名凡舉八科皆中咸亨中上書自陳云云陛下何惜玉陛方寸地不使臣披露肝膽乎書奏不報

段姓

材可取卿相

段舍人為杜陵令五府舉為西域都護西域敬其威信谷永與之書曰若子之材可優游都城而取卿相何必勒功昆山之

側前漢史

涼州三明

段熲字紀明舉孝廉為陽陵令所在有能政初與皇甫威明張然明並知名京師稱為涼州三明位至大尉後漢史

真將軍

段志玄齊州人文德皇后之葬與宇文士及勒兵衛章武門太宗夜遣使至二將軍所士及披戶納使志玄拒曰軍門不夜開使者示手詔志玄曰夜不能辨不納比曙帝歎曰真將軍周亞夫何以加唐史

禱而雨

段文昌字惠卿穆宗拜平章事未踰年授劍南西川節度使文宗立徙帥荊南州或旱禱解必雨或久雨遇出游必霽以為語曰旱不苦禱而雨雨不愁公出游

孝童

段秀實字成公六歲母初不勺飲至七日病間乃食號孝童

以笏擊朱泚帝聞垂涕嘗言禁兵寡弱不足備非常及涇卒亂召神策六軍無一人至世多其謀後鄭覃曰自古殺身利社稷未有如秀實者帝惻然為罷朝並唐史

母夢鳳集

皇朝段少連字希逸其母夢鳳集于家庭而少連生舉服勤詞學科後為三司度支副使擢天章閣待制知廣州進龍圖閣直學士知涇州

灌姓

販繒

灌嬰睢陽販繒者號昌文侯與絳侯共立文帝為太尉前漢史

萬姓

成孝鄉

萬敬儒三世同居喪親廬墓刺血寫浮屠書斷手二指輒復

生改所居曰成孝鄉 唐史

晏姓

善與人交

晏平仲善與人交久而敬之 論語

神童

皇朝晏殊字同叔撫州臨川人七歲善屬文號神童景德初張知白安撫江西薦之得召試又試詩賦論殊自言曰嘗秘習此賦不敢隱 真宗異之因試以他題以為秘書省正字置之秘閣使得悉讀秘閣書明年復獻所為文乃召試中書為集賢校理後拜樞密使加同中書門下平章事卒謚元獻

卞姓

六龍

卞壺父粹兄弟六人並登宰府世稱卞氏六龍 晉書

五經博士

卞革編習五經仕梁兼五經博士說經析理為當時之冠 南史

邵姓

博覽經史

邵續朴素有志烈博覽經史妙解天文為平原樂安太守 晉書

八世同居

邵榮興八世同居詔表門閭蠲租稅 南史孝義傳

詔標里閭

邵洪哲縣令范道榮坐除名洪哲代詣京師明申曲直道榮感其誠節訴省申聞詔下標里閭 北史節義傳

真國器

皇朝邵亢字興宗舉茂才真等除建康軍節度推官召為國子監直講改館閣校勘同知太常禮院 英宗召對羣玉殿

謂曰孝子其國也推同修起居注後拜樞密副使

康節先生

邵雍字堯夫初舉遺逸試將作監主簿熙寧初以為潁州團練推官与常秩同召而雍卒不起居洛二十年而卒謚康節先生子伯温

召姓

甘棠勿翦

毛詩甘棠美召伯也蔽芾甘棠勿翦勿伐召伯所茇

召父

召信臣為南陽太守躬勸耕農出入阡陌起水門以廣灌溉更親愛號曰召父迁河南太守治行常為第一前漢史

到姓

佐守荆楚

到彦之字道豫楚大夫屈到後也彦之佐守荆楚垂二十載威信為士庶所懷南豫州刺史鎮歷陽南史

暴姓

繡衣持斧

暴勝之字公子河東人武帝時盜賊起勝之為直指使者衣繡衣持斧逐捕盜賊威振州郡前漢史

郎子好相表

暴顯字惠祖幼時見一沙門指之曰此郎子好相表大必為良將貴極人臣語終失之從齊神武起義迁徐州刺史北史

賀姓

當世儒宗

賀循字彥先山陰人率秀才除陽羨令以寬惠為本不求課最朝廷疑滯皆訟之輒依經礼而對為當世儒宗晉書

上殿不下

賀琛世習礼孝仕梁累迁尚書左丞每進見武帝与語常移晷刻省中語曰上殿不下有賀雅琛容止閑雅故呼之南史

四明狂客

賀知章字季真与陸象先善象先曰季真清談風流吾一日不見則鄙吝生矣擢進士超拔羣類科迁太常博士張說表知章等入院撰六典書迁礼部侍郎兼集賢院学士一日併謝源乾曜語說曰賀公兩命之榮足為光寵玄宗自為贊賜之晚即誕放自號四明狂客醉輒屬辭筆不停善草隸天宝初病夢游帝居乃請為道士以宅為千秋觀湖數頃為放生池有詔賜鏡湖剡曲唐史

慶湖遺老集

皇朝賀鑄字方回孝惠皇后之族孫授右班殿直元祐中用

武易文為通判泗州又倅太平州以卒鑄好李藏書万卷工文詞尤長於樂府有慶湖遺老集

謝姓

一丘一壑

謝鯤字幼輿好老易善鼓琴為豫章太守治政清肅百姓愛之晉史一丘一壑自謂過庾亮

一坐顏回

謝尚八歲神悟夙成父鯤嘗舞之送客或曰此兒一坐之顏回也脫略細行不為流俗之事

高卧東山

謝安字安石少有重名放情丘壑自然有公輔之望高卧東山諸人每言安石不肯出將如蒼生何安妻見家門貴盛而安獨靜退謂曰丈人不如也安掩鼻曰恐不免耳符堅百

蕙次于淮肥為征討大都督方圍碁賭別墅夜還拍授將帥
各當其任及謝元破賊驛書至安對客圍碁了無喜色及罷
還過戶限心喜甚不覺後齒之折

芝蘭玉樹

謝元字幼度叔父安嘗約子姪曰子弟亦何豫人事而正欲
使其佳女曰譬如芝蘭玉樹欲使其生於庭階耳元以精銳
八千破符堅百萬於淮肥聞風聲鶴唳以為王師至

無渭陽情

謝綸曾戲調其舅袁湛湛曰汝父昔已輕舅汝今復加我可
謂世無渭陽情也

月犯少微

謝敷字慶緒澄靖寡欲隱于太平山初月犯少微俄而敷死
有林下風

卷之四十一

十一

王凝之妻謝氏字道韞叔父安嘗內集雪下安曰何所似也
安兄子朗曰撒鹽空中差可擬道韞曰未若柳絮因風起道
韞神情散朗有林下風氣 並晉史

兩玉人

謝晦字宣明涉獵文史博瞻多通時謝混風華為江左第一
嘗與晦俱在武帝前帝目之曰一時頓有兩玉人耳 南史

二絕

謝瞻字宣遠六歲能屬文後為豫章太守與從叔混族弟靈
運俱有盛名嘗作喜靈詩靈運寫之混詠之王泓在坐以為
二絕 南史

直省賦詩

謝朓字元暉少好學有美名文章清麗善草隸長五言詩沈
約常云二百年來無此詩也遷尚書吏部郎好學人才孔闊

粗有才筆未為時知孔珪嘗令草讓表以示眺眺嗟吟良久
手自折簡寫之謂珪曰士子聲名未立應其獎成無惜齒牙
餘論嘗直中書省賦詩有蒼苔苔依砌上紅藥藥當堦翻之句

山堂詩夢

謝惠連十歲能屬文靈運加賞之云每有篇章對惠連輒得
佳語嘗於永嘉品堂思詩不就忽夢見惠連即得池塘生春
草大以為三嘗為雪賦以高麗見奇

文章江左第一

謝靈運亦名之曾孫文章之美為江左第一為太子左衛率朝
廷唯以文義處之為永嘉太守郡有各山水肆意遊處理人
聽訟不復闕懷每有一首詩貴賤競寫各動都下徵為祕書
監遷侍中詩書皆兼獨絕每文竟手自寫之文帝稱為一寶

鳳毛

謝鳳字超宗靈運之子有文辭盛得名各書武帝曰超亦殊有
鳳毛之貴高帝以為義興太守坐公事免詣東府門自通其日
風寒高帝謂四坐曰此客至使人不衣自暖矣

藍田生玉

謝莊字希逸宋文帝異之謂劉湛曰藍田生玉山豈虛也哉袁
淑為鸚鵡賦文冠當時及見莊賦嘆曰江東無我知當獨秀

春日閑居詩

謝朓八歲為春日閑居詩有風定花猶落之句並南史

李詩謝賦

謝偃止觀初對策高第嘗為塵影賦二篇帝美其文時李百
藥上詩而偃善賦時人稱其李詩謝賦唐史

錦繡萬花台續集卷之三十一

錦繡萬花谷續集卷之三十二

華姓

右師

左成公十五年宋華元為右師元曰我為右師君臣之訓師所司也

精於方藥

華佗字元化通數經曉養性之術精於方藥後漢史

為政清靜

華歆為豫章太守為政清靜不煩吏民威而愛之魏初為御史大夫素清貧祿賜以賑施親戚故人家無擔石之儲魏志

作漢紀

華嶠才學深博為臺郎徧觀祕籍因作漢紀晉史

孝子鄉

華秋事母以孝聞母喪廬墓負土成墳詔表其門閭後盜起往來廬墓之左右咸相誡曰勿犯孝子鄉北史

向姓

左師

左成公十五年華元使向戌為左師以靖國人

肆意遊山

向長字子平讀損益卦喟然嘆曰吾已知富不如貧貴不如賤男女嫁娶既畢勅斷家事勿相關肆意遊五嶽名山後漢

潛心典籍

向朗少以吏能見稱為巴西牂牁房陵太守潛心典籍年踰八十猶手自校書開門接賓誘納後進蜀志

名付中書

皇朝向敏中字常之父瑀惟一子教督甚嚴嘗謂其妻曰大吾門者此子也舉進士太宗飛帛書敏中張詠二名付中書語宰相曰此二臣者名臣也朕將用之矣拜右諫議大夫同知樞密院事真宗拜同平章事大任幾三十年

鄧姓

世吏二千石

鄧晨字偉卿南陽新野人世吏二千石光武拜為汝南太守興鴻卻陂數千頃田汝土以殷魚稻之饒流衍它郡後漢史

封高密侯

鄧禹字仲華南陽新野人十三能誦詩杖策見光武曰願明公威德加四海禹得效尺寸垂功名於竹帛禹沈深有度授以西討之略拜前將軍謀謨帷幄決勝千里封高密侯

累世寵貴

鄧騭字昭伯禹之子拜車騎將軍儀同三司始自騭也鄧氏自中興後累世寵貴凡侯者二十九人公二人大將軍以下十三人中二千石十四人列校二十二人州牧郡守四十八人其餘侍中將大夫郎謁者不可勝數並同上

屯田兩淮

鄧艾屯田積穀行於兩淮開廣漕渠達於江淮魏志

清嚴有治績

鄧芝字伯苗為廣漢太守清嚴有治績入為尚書蜀志

中興良守

鄧攸字伯道以孝致稱清和平簡真正寡欲授吳郡太守載米之郡俸祿無所受惟飲吳水而已郡中大饑表振貸未報輒開倉救之刑政清明百姓歡悅為中興良守後去郡百姓數千牽攸船不得進吳人歌曰統如打五鼓雞鳴天欲

曙鄧侯拖不留謝令推不去同上

隱玄先生

鄧世隆相州人亡命變姓名號隱玄先生棲白鹿山正觀初為修史學士唐史

甯姓

盟于向

左僖二十六年公會呂茲平公甯莊子盟于向尋洮之盟也

賜湛露彤弓

文公四年衛甯武子來聘公與之宴賦湛露及彤弓又論語甯武子邦有道則智邦無道則愚

飯牛車下

齊桓公郊迎客夜開門執火甚盛甯戚飯牛於車下擊牛角疾商歌公聞之命後車載之賜之衣冠遂舉大用之授之以

谷德興

卿公得之所以伯也管仲言於齊桓公曰墾田勸邑闢土殖穀盡地之利臣不若甯戚請致以為田官新序

乳虎

甯成好氣為少吏必陵其長吏為人上操下急如東濕為濟南都尉其治如狼牧羊人謂甯見乳虎無直甯成之怒前漢酷吏

敬姓

心如鐵石

敬肅少以貞介知名仕隋為安陵令有能名擢拜秦州司馬轉幽州長史俱有異績又柳儉傳云心如鐵石老而彌篤北史

平陽郡王

敬暉字仲暉弱冠舉明經為衛州刺史時河北經突厥所搔方秋而城暉曰豈有棄農畝事池隍哉縱民歸斂闔部賴安以誅二張功封平陽郡王唐史

鄭姓

名震京師

谷口鄭子真不屈其志而耕乎巖石之下名震于京師揚子

推轂

鄭當時字莊以任俠自喜聲聞梁楚之間為太子舍人常置驛馬請謝賓客其知友皆天下有名之士誠門下客至無貴賤無留門者執賓主之禮以其貴下人常推轂士史記

皆著治績

鄭弘字穉卿兄昌字次卿皆明經通法律政事昌為太原涿郡太守弘為南陽太守皆著治績條教法度為後所述前漢威振西域

鄭吉會稽人以卒伍從軍破車師降日逐威振西域

尚書履聲

鄭崇哀帝時為尚書僕射每見曳革履上笑曰我識鄭尚書履聲臣門如市臣心如水並前漢史

雲母屏

鄭弘字巨君舉孝廉拜驩令政有仁惠遷淮南太守後為太尉第五倫為司空班次在下每朝見弘曲躬自卑帝知其故遂聽置雲母屏風分隔其間後漢史

鄭公鄉

鄭玄字康成從馬融質義問畢辭歸融曰鄭生今去吾道東矣孔融深敬之告高密縣為玄符立一鄉曰鄭公鄉門閭號通德門玄北海高密人

為諸儒宗

鄭興晚善左氏傳數言政事依經守義遂為諸儒宗不拜

鄭眾使匈奴虜欲令拜眾不為屈不忍持大漢節對眾

鄭陂

鄭渾為邵陵令課民耕桑重去子之法迂陽沛郡太守與陂遇開稻田民賴其利刻石頌之號曰鄭陂並後漢史

清吏

鄭善果鄭州人累轉會稽太守母崔氏賢明曉政每坐閣內聽決當理則悅有不肖引至牀下責愧之故善果所至有績號清吏唐史

口伐可汗

鄭元璠字德芳突厥攻太原詔元璠持節往勞既至虜以不信各中國元璠隨語折讓无所屈太宗賜書曰知公口伐可汗如約遂使邊火息燄朕何惜金不賜於公哉唐史

南鄭北鄭

鄭餘慶二世皆顯官擢進士第憲宗立復平章事迁尚書僕射從父細第在南鄭慶第在北世謂南鄭相北鄭相云

二鄭

鄭從謹字正求及進士第進門一侍郎時鄭畋以宰相鎮鳳翔移檄討賊兩心以忠義相提掖尤憚之號二鄭云

經術該深

鄭覃以父蔭補素江諫議大夫文宗召為翰林諫事上覃於經術該深覃為文正帝尤重之同平章事尹昉

執筆曉頭

鄭朗擢起居郎文宗與宰相議政適見朗執筆曉頭謂曰向所論事亦將記之乎朗曰臣執筆所書者史也故事天子不觀史並唐史

七松處士

著推進士第累遷吏部侍郎丹知禮部率引寒賤士類多
之既老號所居為隱岩時松于庭號七松處士

人端

鄭仁表豪爽有文嘗以門閥文章自高曰天瑞有五色雲人
瑞有鄭仁表

時玉几

鄭畋奉進士為宣武推官後進同平章事昭年為鳳翔節度
使募銳兵五百號疾雷將境中盜不敢發會黃巢陷東都帝
出梁詳畋二語泣曰將相與國生請死以懲無狀帝乃遣之
畋曰臣以死報國中死元王賊將王璠率眾三萬夾攻畋設
伏以待璠進二萬其子斬之威動京師巢大懼不敢出謀當
此時微畋天子幾殆帝聞捷曰朕知畋不忌富者之勇凡尔
畋為人仁如妾采如時玉几

廣文博士

鄭虔撥當世著書八十一卷元宗愛其文為置廣文館以
虔為博士宰相曰公後世言著書文博士自君心虔乃就賦

進士第

皇朝鄭備字慶夫為人俊邁不羣年進士第一授將作監丞
通判陳州召試直集賢院備居注遂以不言諶知制誥

孟姓

亞聖大才

孟子名軻人也生有淑管夙喪其父幼被慈母三遷之教
長師孔子之孫子思治儒術之道通五經尤長於詩書又自
撰其法度之言著書七篇 世其聖之大才者也 趙收序

家貧惟有一士

魯孟獻子聘於晉宣子宣子曰子之家孰與我家富獻子曰

吾家其貧惟有一士曰頰回茲无靈新亭

易喜

易喜從周王孫受易喜好自稱齊故易有施孟梁丘之季前

去珠復還

孟嘗為合浦太守海出珠寶先宰出貪探求不知紀極珠

漸徙於交趾界嘗到官革易前弊未踰歲去珠復還後出史

龍山落帽

孟嘉少知名為桓溫參軍好酣飲九日登龍山宴飲落帽晉

双珠

孟顛衛將軍祖之弟顛正美風姿時謂之双珠謝靈運

東郡嘉禾

孟業字敬業齊清河王正召為主簿後主吏部去之以寬惠

著名麥一莖五穗嘉禾一莖九穗或以為政德所感廿史

貞曜先生

孟郊字東野性介少苦言律詩一思父年五十一得進

士第郊為詩有理景為文悲行詩言曜先生唐史

浩然亭

孟浩然少好節義隱鹿門山年四十一為京師王維過郢州

昼像于刺史亭因曰浩然亭又三五亭

盛姓

葛国公

盛彥師宋州人高祖兵至治嘗為一節軍官客一請授行軍總

管從平京師与史万宝鎮巨陽李密叛万宝懼彥師笑曰請

以数千兵為公梟首遂斬密以功封葛国公唐史

獻西域圖

皇朝盛度奉進士稍汗至直史第二司口部判官契丹犯邊

數上疏論邊事奉使陝西參實邊境居故地繪為西域圖以獻
景祐二年拜參知政事後知應天府以太子少傅致仕

寇姓

復借一生

寇恂字子翼文武備足有牧人養衆之才拜汝南太守盜賊
清靜郡中无事恂素好孝乃修鄉校教生徒光武南征恂從
至潁川百姓遮道曰頭從陛下復得見君一年後漢史

真宰相才

皇朝寇準字平仲少力孝孝進士太宗深器之召為參知
政事因奏對切直太宗怒起進準衣留以俟迨太宗
嘆曰真宰相才也又嘗語左右曰朕得寇準猶唐太宗之得
魏邠公也加給事中景德元年拜同平章事長歲契丹寇
直抵澶魏真宗召羣臣問禦戎策準請幸澶州兵陳河北
用兵之略其備仁宗朝贈中書令萊國公謚忠懿

富姓

北京三傑

富嘉謨奉進士轉晉陽尉與吳少微魏合倚者並負文辭時
稱北京三傑天下文章浮僂不競獨少微嘉謨本經術雅厚
雄邁人爭慕之号吳舛唐史

王佐才

富弼字彥國幼為李有六度范仲淹見而識之曰此王佐才
也懷其文以示王曾王曾即以女妻之李茂才異等假
資政殿學士戶部侍郎使契丹歸除司空兼侍中併復拜左
僕射同平章事卒謚文忠元祐初加贈太師

錦繡萬花谷續集卷之二十二

錦繡萬花谷續集卷之三十三

賈姓

賜爾書

賈黈行河西五郡大將軍事光武授為涼州牧封安豐侯光武賜黈璽書又賜外屬圖又詔報曰吾與將軍如左右手耳賞賜恩寵傾動京師賈氏一公兩侯三公主四二千石後漢書

鏤石燕山

賈憲拜車騎將軍登燕然山去塞三千餘里刻石勒功紀漢威德班固作銘封冠軍侯賈曰聽節龍庭鏤石燕然同上

書

喜鵲

賈威家出貢子弟皆喜武力獨威尚文諸兄詆為書癡唐史遷時惡祭御史入為中丞舉劾無所回忌俄平章事參每更多訪族子申於申所至人以為喜鵲同上

五龍

皇朝賈儀字可象荊州漁陽人父禹鈞在周為諫議大夫五子曰儀儀侃稱傳皆用儀登拜時之謂之賈氏五龍少士宋興遷工部尚書加禮部尚書牛勳右僕射

博物洽聞

賈儼字望之京進士廣順初拜中書舍人世宗拜翰林學士因初就轉禮部侍郎卒年四十二儼博物洽聞通音律歷數虛多遜揚徽之為諫官儼嘗謂之曰丁卯歲五星聚奎自此太平矣一拾遺見之儼不與也巳而果然

廖姓乃教反

北郭先生

廖扶字文起習詩書教授常數百人尤明天文識緯風角推步之術號為比郭先生後漢史

楚之良才

廖立年未三十擢長沙太守諸葛亮曰廖立楚之良才魏志

堂名世錄

皇朝廖剛字用中登崇寧五年進士第紹興九年詔為御史中丞累出以華髮奉養嘗各堂曰世錄諫議陳公播之聲詩

陸姓

奏新語

陸賈楚人也高帝曰試為我著秦所以失天下吾所以得之者及古成敗之國賈著新語十二篇每奏一篇帝稱善前漢

懷橘

陸績字公紀吳郡人六歲見袁術術出橘績懷二枚去拜辭

墮地曰欲歸遺母術大奇之吳志

江東大族

江東大族意思深長才堪負重觀其規畫可大任同上

元圃積玉

陸機字士衡少有異才文章冠世君苗見其文輒欲焚筆硯

葛洪謂其文猶元圃之積玉晉史

龍駒鳳雛

陸雲字士龍六歲能屬文少與兄機齊名號二陸閔鴻見而奇之曰此兒若非龍駒當是鳳雛補後儀今一縣稱為神明

八科皆中

陸元方初明經後奉八科皆中轉監察御史唐史

賜名

陸象先元方子器識沈邃奉制科高第景雲中同平章事始

名景初睿宗曰子能紹先是謂象取真賜名焉

真清

陸景倩象先弟為扶溝丞河南按察使畢構覆州縣毀景最欲必得實有吏言狀曰某強清其詐清惟景倩曰真清終御史

內相

陸執字敬興十八第進士中博學宏辭正元七年以兵部侍郎知貢奉明年實三黜乃以中書侍郎同平章事始入翰林年尚少以材幸天子常以輩行呼而不名在奉天朝夕進見然小心精潔未嘗有過帝倚任之參裁可否時號內相

桑苧翁

陸羽字鴻漸不知所生或言僧得諸水濱畜之既長以易白羽待蹇之漸曰鴻漸于陸其羽可用為儀乃以陸為氏名而字之上元初隱苕溪自稱桑苧翁時謂今接輿也嗜茶著經

三篇言茶之原之法之具後著毀茶論

江湖散人

陸龜蒙字魯望進士不中居松江甫里多所論撰不喜流俗交匪造門不肯見為書茶釣與等往來時謂江湖散人

穆姓

讓家令

穆寧大曆初為和州刺史治有狀召拜太子右諭德居家嚴事寡姊恭甚嘗讓家令訓諸子人一通又戒曰君子之事親養志為大吾志直道而已苟枉而道三牲五鼎非吾養也疾病不嘗藥時稱知命

首唱古文

皇朝穆脩字伯長師事陳搏而傳其易孝方是時孝者從事志律未知為古文脩首為之倡其後尹源與其侪始從之孝

文又傳其春秋李

祝姓

八風舞

祝欽明擢明經永淳大授間中英才傑出業與六經等科中宗在東宮欽明兼侍讀授太子經能八風舞

治宗廟

論語祝鮀治宗廟又曰不有祝鮀之佞誰乎免於今之世矣

卜姓

西河教授

仲尼弟子卜商字子夏孔子没子夏居西河教授為魏文侯師史記商也與人交推其長者違其短者故能久也家語

輸財助邊

卜式輸財助邊拜為中郎尊顯以風百姓式既為郎布衣草

臨而牧羊上林中曰治民亦猶是也欲試使治民拜緱氏令

束姓

觀汲冢竹書

束皙博學多聞郡界大旱皙為邑人請雨三日而雨注歌曰東先生通神明請天三日甘雨零我黍以公百我稷以生何以疇之報束長生轉著作佐郎觀汲冢竹書隨疑分釋皆有又證迂尚書郎辨三日曲水之義賜金五十斤晉史

谷姓

待詔公車

谷永字子雲博學經書為太常丞數上疏言得失率方正直言極諫之士永待詔公車對者數十人永為上第前漢史

九經庫

谷那律魏州人淹識羣書積遠良嘗稱為九經庫迂弘文館

學士從太宗出獵遇雨而清因問曰油衣若為而無漏耶那律曰以瓦為之當不漏帝悅其直賜帛二百段唐史

麴姓

世為豪族

麴允金城人與游氏世為豪族西州為之語曰麴真游牛羊不數頭南開朱門北望青樓為始平太守領雍州刺史尚書左僕射唐史

伏姓

治尚書

伏生名勝濟南人為秦博士文帝時聞伏生治尚書時年九十餘不能行使朝請往受之史記

傳父業

伏湛字惠公父坦為當世名儒以詩授成帝別自名學湛性

孝友少傳父業教授數百人光武徵拜大司徒封陽都侯

伏氏學

伏恭字叔齊父黯字稚父明齊詩恭少傳父學除劇令以惠政公廉聞遣常山太守躬修學校教授不輟由是北州多為伏氏學肅宗以為三老同上

服姓

春秋左傳解

服虔字子慎少以清苦建志入太學受業有雅才善著文論作春秋左氏傳解舉孝廉後拜九江太守後漢史

樂姓

下齊城

樂毅其先祖曰樂羊為魏文侯將毅使於燕昭王以為亞卿後為上將軍并護趙楚韓魏燕之兵以伐齊下齊七十餘城

風流稱首

樂廣字彥輔衛瓘曰此人之水鏡見之瑩然若披雲霧而覩青天所在為政無當時功譽母去職遺愛為人所思天下言風流者謂王樂為稱首名教內自有樂地

獻金明池賦

皇朝樂史母夢異人令吞五色珠而生史史有文辭初仕江南歸朝舉進士知陵州獻金明池賦召為三館編修

卓姓

通儒

卓茂字子康南陽人父祖皆至郡守習詩禮及曆筭稱為通儒為密令吏人親愛不忍欺之道不拾遺蝗不入界光武即位先訪求茂以為太傅封褒德侯

卓姓

盈數大名

左閔公元年卜偃曰畢萬之後必大萬盈數也魏太名也是始賞天啓之矣

拍浮酒船中

畢卓字茂世為吏部郎常飲酒廢職盜飲比舍郎鸞問常謂人曰得酒滿數百斛船四時甘味置兩頭右手持酒杯左手持蟹螯拍浮酒船中便足了一生矣

頗牧仕禁庭

畢誠夜燃新讀書母郵其疲奪火使寐不息遂通經史工辭章性端慤不妄交舉進士書判拔萃連中竟項擾河西宣宗嘗召訪邊事誠接古今條破羗狀甚悉帝悅曰吾方擇帥不意頗牧近在禁庭即除邠寧節度河西安撫使誠到軍遊人皆順置屯田收穀三十萬斛以省度支經費懿宗立以禮部

尚書同平章事 唐書

與寇準並相

皇朝甲士安字仁叟代州雲中人也後居鄭州舉進士李沆
為中書副宰相乃拜上安吏部侍郎參知政事入謝上曰未
也行且相卿士安曰寇準慷慨有大節朝臣罕出其右也
者陛下所宜用也 真宗亦欲相準藉士安有德以銷之不
關與準並相

進御樓觀燈詩

再仲濟字莫仲元豐中任中書舍人釐正宮制一經其手遂
為萬世不刊之典撰中書備對二十卷天下之事盡在其中
後因詣洋高麗首使元夕御樓觀燈進詩 上俯同其韻以
為一絕 春佳氣集鈞臺樂與民同盛宴開蟾彩暖催蓮綰發
正未輕之管聲來形谷壯麗雖非極翻散升平是有才萬里
海邦修貢使既陪華觀勿辭推

郗姓

晉書

郗都孝景時為中郎將敢直諫曰折上 宗
人三百餘家豪猾二千石莫能制景帝赴都為濟南太守至
則族滅獨氏有惡餘皆股栗遷為中尉行法不避貴戚列侯
宗室見都側目而視號曰蒼鷹焉 史記

拒關

郗愔志在從政喟然嘆曰天生俊士以為人也舉孝廉為上
東城門候帝出獵及還憚拒關不開愔為長沙太守 後漢史

古姓

忠節

三邑字祖冲祖朗為御史中丞西朝傾覆隕身守節絕亦立

葛姓

公漏令

葛洪字稚川以儒學知名究覽典籍尤好神仙導養之法從
祖玄學道得仙號曰葛仙公洪聞交趾出丹求為公漏令

伯姓

懷沙賦

屈原名平作離騷離騷與日月爭光又作懷沙之賦史記

尉姓

希世賢

尉元世為高宗父日斤勇略聞於當時位中山太守元為羽
林中郎後為鎮西大將軍甚得夷人之心累遷尚書令進位
司徒謝老詔曰前司徒尉元元亨利正明允誠素位顯台宿
歸老私第可謂知始知卒希世之賢也復拜為三老北史

錦繡萬花谷續集卷之三十三



